

**ხელშეკრულება სახელმწიფო
შესყიდვის შესახებ
N3-4**

ერთის მხრივ, სსიპ "ახალგაზრდობის სააგენტო" (შემდგომში „შემსყიდველი“) წარმოდგენილი მისი ხელმძღვანელის მოადგილის ვახტანგ ბაკაშვილის სახით და მეორეს მხრივ, შპს „მარლეი“ (შემდგომში „მიმწოდებელი“), წარმოდგენილი დირექტორის ლეილა სეფერთელაძის სახით, „სახელმწიფო შესყიდვების შესახებ“ საქართველოს კანონის, „საჯარო სამართლის იურიდიული პირი ახალგაზრდობის სააგენტოს“ ხელმძღვანელის უფლებამოსილების დელეგირების თაობაზე“ სსიპ „ახალგაზრდობის სააგენტოს“ ხელმძღვანელის 2022 წლის 14 მარტის N10/ს ბრძანებისა და პრეტენდენტის სატენდერო წინადადების საფუძველზე, NAT220005530 ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს იგივე მნიშვნელობა, რაც სახელმწიფო შესყიდვების შესახებ კანონსა და მის საფუძველზე გამოცემულ სხვა კანონქვემდებარე ნორმატიულ აქტებში.

მუხლი 2. ხელშეკრულების საგანი

2.1. მიმწოდებლის მიერ შემსყიდველისთვის, „ახალგაზრდული ღონისძიებების ხელშეწყობის პროგრამის“ N5 ქვეპროგრამის „მონაწილეობრივი ახალგაზრდული პოლიტიკის განვითარება“ ფარგლებში, სასტუმროს მომსახურების გაწევა (მომსახურების შესყიდვის მიზანია გაეროს მოსახლეობის ფონდთან (UNFPA) პარტნიორობით ახალგაზრდული მრჩეველთა საბჭოს წევრებისთვის მდგრადი განვითარების მიზნებისა და ევროკავშირის ღირებულებების შესახებ ცნობიერების ამაღლება, ასევე, ახალგაზრდული მიმართულებით დაგეგმილი აქტივობების შესახებ სსიპ „ახალგაზრდობის სააგენტოსთვის“ რეკომენდაციების მომზადების მიზნით სამუშაო შეხვედრის გამართვა) (CPV55100000 - სასტუმროს მომსახურება; CPV55110000 - სასტუმროში დაბინავების მომსახურება; CPV55120000 - სასტუმროში შეხვედრებისა და კონფერენციების ორგანიზების მომსახურება; CPV55130000 - სასტუმროსთან დაკავშირებული სხვა მომსახურებები)- შემდგომში მომსახურება, წინამდებარე ხელშეკრულების დანართი N1(ფასების ცხრილი) და დანართი N2-ის (ტექნიკური დავალება) შესაბამისად, შემდგომში-„მომსახურება“.

2.2. ხელშეკრულების დანართი N1 და დანართი N2 წარმოადგენს მის განუყოფელ ნაწილს.

მუხლი 3. ხელშეკრულების ღირებულება

3.1. ხელშეკრულების ღირებულება შეადგენს 12 900.00 (თორმეტი ათას ცხრაასი) ლარს.

3.2. ხელშეკრულების ღირებულება მოიცავს, როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს.

მუხლი 4. შესყიდვის ობიექტის მიწოდების ვადა და ადგილი

4.1. მომსახურების გაწევის ვადაა- 2022 წლის 29 აპრილი-01 მაისი (2 დამე: 29 აპრილი - სასტუმროში შესვლა, 01 მაისი - სასტუმროს დატოვება). სასტუმროში განთავსების თარიღი შესაძლოა შეიცვალოს, თუმცა ცვლილების საჭიროების შემთხვევაში მიმწოდებელს ინფორმაცია ეცნობება მომსახურების გაწევამდე არანაკლებ 10 (ათი) დღით ადრე.

4.2. მომსახურების გაწევის ადგილი-სასტუმრო „თელავი ინ“ (ს/კ431436289) -ქალაქი თელავი, ვარდოშვილის ქ.5ა.

მუხლი 5. მხარეთა უფლებები და მოვალეობები

5.1. შემსყიდველი უფლებამოსილია

ა) მომსახურების გაწევის დროს განახორციელოს მომსახურების ხარისხისა და სხვა პირობების წინამდებარე ხელშეკრულების პირობებთან შესაბამისობის ინსპექტირება;

ბ) მოთხოვოს მიმწოდებელს წინამდებარე ხელშეკრულების ჯეროვანი, დროული და კეთილსინდისიერი შესრულება.

5.2. შემსყიდველი ვალდებულია:

ა) უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

ბ) უზრუნველყოს ხელშეკრულების პირობების შესრულების კონტროლი;

გ) განახორციელოს ამ ხელშეკრულებით მასზე დაკისრებული სხვა ვალდებულებები.

5.3. მიმწოდებელი უფლებამოსილია:

ა) მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

5.4. მიმწოდებელი ვალდებულია:

ა) უზრუნველყოს ხელშეკრულებით გათვალისწინებული მომსახურების გაწევა ამ სფეროში საერთაშორისოდ აღიარებული ნორმებისა და სტანდარტების შესაბამისად.

ბ) დაიცვას წინამდებარე ხელშეკრულების პირობები.

გ) აუნაზღაუროს შემსყიდველს მისი ბრალეულობით გამოწვეული ნებისმიერი სახის მატერიალური და არამატერიალური ზიანი.

დ) დროულად განიხილოს შემსყიდველის დასაბუთებული პრეტენზიები და მიაწოდოს მოტივირებული პასუხი ყველა საკითხზე.

ე) არ გადასცეს მესამე მხარეს ამ ხელშეკრულებით განსაზღვრული უფლებები და ვალდებულებები შემსყიდველთან შეთანხმების გარეშე.

მუხლი 6. ხარისხი

6.1. ხელშეკრულების მე-2 მუხლით გათვალისწინებული მომსახურება უნდა შეესაბამებოდეს შემსყიდველი ორგანიზაციის მოთხოვნებს.

მუხლი 7. ხელშეკრულების შესრულების კონტროლი

7.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს ხელშეკრულების კონტროლი (ინსპექტირება), რომლის მიზანია გაწეული მომსახურების ხარისხის, მიწოდების ვადებისა და სხვა კრიტერიუმების შესაბამისობის დადგენა ხელშეკრულებითა და მისი დანართებით გათვალისწინებულ პირობებსა და შემსყიდველის მოთხოვნებთან;

7.2. ხელშეკრულების 7.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებს და ინსპექტირების აქტს ხელს მოაწერს სსიპ „ახალგაზრდობის სააგენტოს“ პროგრამების მართვის დეპარტამენტის უფროსი სპეციალისტი - ანა ბარკალაია.

7.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან/და ნაკლის ან/და ხარვეზის აღმოფხვრა.

მუხლი 8. მომსახურების მიღება-ჩაბარების წესი

8.1. გაწეული მომსახურების მიღება წარმოებს მიღება-ჩაბარების აქტისა და ინსპექტირების აქტის (დადებითი დასკვნით) გაფორმების შემდეგ.

8.2. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.

8.3. იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებად.

8.4. გაწეული მომსახურების მიღებას აწარმოებს: სსიპ „ახალგაზრდობის სააგენტოს“ პროგრამების მართვის დეპარტამენტის უფროსი სპეციალისტი - ანა ბარკალაია.

მუხლი 9. ანგარიშსწორება

9.1. ანგარიშსწორება განხორციელდება უნაღდო ანგარიშსწორების გზით ლარში, ფაქტობრივად გაწეული მომსახურების შესაბამისად, მიმწოდებლის მიერ წინამდებარე ხელშეკრულებაში მითითებულ საბანკო ანგარიშზე.

9.2. შემსყიდველი იღებს ვალდებულებას გადაუხადოს მიმწოდებელს გაწეული მომსახურების ღირებულება მიღება-ჩაბარების აქტისა და შესაბამისი ინსპექტირების აქტის (დადებითი დასკვნით) გაფორმებიდან და 10 (ათი) სამუშაო დღის განმავლობაში.

მუხლი 10. ხელშეკრულების შესრულების შეფერხება

10.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

10.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-12 მუხლის შესაბამისად.

მუხლი 11. ხელშეკრულების პირობების შეუსრულებლობა ან/და არაჯეროვანი შესრულება

11.1. წინამდებარე ხელშეკრულებით ნაკისრი ვალდებულებების ვადის გადაცილების შემთხვევაში მიმწოდებელს ყოველ ვადაგადაცილებულ დღეზე, დაეკისრება პირგასამტეხლო ხელშეკრულების მთლიანი ღირებულების 0,02%-ის ოდენობით.

11.2. წინამდებარე ხელშეკრულებით ნაკისრი ვალდებულებების ვადის გადაცილების შემთხვევაში შემსყიდველს ყოველ ვადაგადაცილებულ დღეზე, დაეკისრება პირგასამტეხლო ხელშეკრულების მთლიანი ღირებულების 0.02%-ის ოდენობით.

11.3. თუ ვადაგადაცილებული დღეების რაოდენობა აღემატება 10 დღეს, შემსყიდველი იტოვებს უფლებას ცალმხრივად შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების ჯამური ღირებულების 5%-ის ოდენობით.

11.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

11.5. შემსყიდველი უფლებამოსილია, მიმწოდებლის მიერ ხელშეკრულების 11.1 და 11.3 პუნქტებით გათვალისწინებული პირგასამტეხლოს თანხის სრულად გადახდამდე და შესაბამისი გადახდის დამადასტურებელი დოკუმენტაციის შემსყიდველისთვის წარმოდგენამდე, არ აუნაზღაუროს მიმწოდებელს ხელშეკრულების 3.1. პუნქტით გათვალისწინებული ხელშეკრულების ღირებულება.

მუხლი 12. ხელშეკრულებაში ცვლილებების შეტანა

12.1. წინამდებარე ხელშეკრულების პირობების ნებისმიერი ცვლილება ან დამატება უნდა გაფორმდეს წერილობით ხელშეკრულების ცვლილების სახით, რომელიც ჩაითვლება ხელშეკრულების განუყოფელ ნაწილად.

12.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12.3. წინამდებარე ხელშეკრულების პირობების შეცვლა დაუშვებელია, თუ ამ ცვლილების შედეგად შემსყიდველი ორგანიზაციისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

12.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

მუხლი 13. დავების გადაწყვეტა

13.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

13.2. თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

მუხლი 14. ხელშეკრულების შეწყვეტა

14.1. შემსყიდველი უფლებამოსილია ცალმხრივად, მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

14.2. ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

14.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს ხელშეკრულებით განსაზღვრული სხვა ვალდებულებების შესრულებისგან.

მუხლი 15. ხელშეკრულების მოქმედების ვადა

15.1. წინამდებარე ხელშეკრულება ძალაში შედის მხარეთა მიერ ხელმოწერისთანავე და მოქმედებს 2022 წლის 31 დეკემბრის ჩათვლით.

მუხლი 16. ფორს-მაჟორი

16.1. წინამდებარე ხელშეკრულების დამდეგი რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

16.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებთან და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

16.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16.4. მხარეთა პასუხისმგებლობა და ვალდებულებები განახლდება ფორს-მაჟორული მდგომარეობის დასრულებისთანავე.

მუხლი 17. სხვა პირობები

17.1. წინამდებარე ხელშეკრულება შედგენილია „სახელმწიფო შესყიდვების შესახებ“ საქართველოს კანონის შესაბამისად და მასზე ხელმოწერა ხორციელდება „ელექტრონული დოკუმენტისა და ელექტრონული სანდო მომსახურების შესახებ“ 2017 წლის 21 აპრილის საქართველოს კანონის მოთხოვნათა სრული დაცვით და ძალაში შედის მხარეთა ხელმოწერის დღიდან.

მუხლი 18. მხარეთა რეკვიზიტები:

შემსყიდველი

სსიპ „ახალგაზრდობის სააგენტო“
საიდენტიფიკაციო კოდი: 205382398 მის:
თბილისი, ვაჟა-ფშაველას გამზ. 76ბ ტელ:
230 17 75;
სახაზინო რეკვიზიტები: სახელმწიფო
ხაზინა კოდი: TRESGE22
ა.ა: 200122900
სააგენტოს ხელმძღვანელის მოადგილე

ვახტანგ ბაკაშვილი

მიმწოდებელი:

მიმწოდებელი: შპს „მარლეი“
საიდენტიფიკაციო კოდი: 245626979
მის. ბათუმი ყაზბეგის 5/7ბ.10
ტელ: 599110939
Mail: sicocxlisatvis@gmail.com
საბანკო რეკვიზიტები: სს „საქართველოს
ბანკი“
ბანკის კოდი: BAGAGE22
ანგ. N GE19BG000000160786407
დირექტორი
ლეილა სეფერთელაძე

დანართი N1 ფასების ცხრილი

1. სასტუმროში მონაწილეთა განთავსება (განფასება):

N	ადამიანთა რაოდენობა	განსათავსებელი ღამის რაოდენობა	ოთახის ტიპი	ერთი ადამიანის განთავსების ღირებულება ერთი ღამით	სასტუმროში განთავსების ჯამური ღირებულება "განსათავსებელი ღამის რაოდენობა" და "ადამიანთა რაოდენობის პუნქტებში" მითითებული რაოდენობების გათვალისწინებით ჯამურად
1	5	2	1 ადგილიანი	130	1300
2	20	2	ორ ადგილიანი	85	3400
სულ, განთავსების ჯამური ღირებულება:					4700

2. კვების ცხრილი

N	დასახელება	ადამიანთა რაოდენობა	დღეების რაოდენობა	ერთეულის ღირებულება	ჯამური ღირებულება
1	საუზმე	25	2	15	750
2	სადილი	25	2	35	1750
3	ყავა-ჩაის შესვენება	25	1	10	250
4	ვახშამი	25	2	35	1750
სულ, კვების ჯამური ღირებულება:					4500

3. საკონფერენციო/სატრენინგო სივრცე

მომსახურების დასახელება	ღირებულება
საკონფერენციო/სატრენინგო სივრცით სარგებლობა ერთი დღით	3700

N	მომსახურების დასახელება	ჯამური ღირებულება
1	სასტუმროში მონაწილეთა განთავსების ჯამური ღირებულება (ცხრილი 1)	4700
2	კვების ჯამური ღირებულება (ცხრილი 2)	4500
3	საკონფერენციო/სატრენინგო სივრცით სარგებლობა (ცხრილი 3)	3700
სულ, სასტუმროს მომსახურების ჯამური ღირებულება		12900

დანართი N2 (ტექნიკური დავალება)

შესყიდვის ობიექტის აღწერასთან დაკავშირებული ინფორმაცია

მომსახურების შესყიდვის მიზანია გაეროს მოსახლეობის ფონდთან (UNFPA) პარტნიორობით ახალგაზრდული მრჩეველთა საბჭოს წევრებისთვის მდგრადი განვითარების მიზნების შესახებ და ევროკავშირის ღირებულებების შესახებ ცნობიერების ამაღლება, ასევე, ახალგაზრდული მიმართულებით დაგეგმილი აქტივობების შესახებ სსიპ „ახალგაზრდობის სააგენტოსთვის“ რეკომენდაციების მომზადების მიზნით სამუშაო შეხვედრის გამართვა.

სასტუმროს მომსახურების შესყიდვა უნდა განხორციელდეს შემდეგი ტექნიკური მახასიათებლების შესაბამისად:

1. მიმწოდებელი ვალდებულია გაითვალისწინოს როგორც ჯანმრთელობის მსოფლიო ორგანიზაციის, ისე საქართველოს მთავრობის ყველა შესაბამისი მოთხოვნა/რეგულაცია/გაიდლაინი, კორონა ვირუსის (COVID-19) გავრცელების პრევენციის მიზნით.
2. სასტუმრო უნდა იყოს შემოსაზღვრული დაცული ღობით, გამოყოფილი სხვა სივრცისგან.
3. სასტუმროში შესაძლებელი უნდა იყოს არაუმეტეს 25 ადამიანის ერთდროულად განთავსება 2022 წლის 29 აპრილი-01 მაისი (2 დამე: 29 აპრილი - სასტუმროში შესვლა, 01 მაისი - სასტუმროს დატოვება). სასტუმროში განთავსების თარიღი შესაძლოა შეიცვალოს, თუმცა ცვლილების საჭიროების შემთხვევაში პრეტენდენტს ინფორმაცია ეცნობება მომსახურების გაწევამდე არანაკლებ 10 დღით ადრე.
4. სასტუმროში შეხვედრის მონაწილეები უნდა განთავსდნენ ინდივიდუალურ (5 ოთახი) და ორ ადგილიან ნომრებში (10 ოთახი).
5. აუცილებელია, რომ ოთახებში საწოლები იყოს ცალ-ცალკე, ინდივიდუალური, არაგასაშლელი.
6. საცხოვრებელი ოთახები აღჭურვილი უნდა იყოს ინდივიდუალური სველი წერტილებით, ცივი და ცხელი წყლით, ცენტრალური გათბობა-გაგრილების სისტემით, (რაც გულისხმობს სივრცის ან ტექნოლოგიური პროცესის გასათბობად ორთქლის, ცხელი წყლის ან გაგრილებული სითხის სახით თერმული ენერგიის ქსელის მეშვეობით განაწილებას ცენტრალური წყაროდან სხვადასხვა პუნქტზე და მიწის ნაკვეთზე), ინტერნეტის მუდმივი მომსახურებით - WI-FI ქსელი ყველა ოთახში (24 საათი). 24 საათიანი ელექტრომომარაგებით.
7. საცხოვრებელ ოთახებში დაცული უნდა იყოს სანიტარული ნორმები. შესაბამისად, ოთახები უნდა მარაგდებოდეს ინდივიდუალური ნივთებით ყოველდღე თითოეულ ადამიანზე: 1 დიდი და 1 პატარა პირსახოცი, ხალათი, ერთჯერადი ჩუსტები, შამპუნი, ტანის გელი, საპონი, ერთჯერადი კბილის ჯაგრისი. ჰიგიენის ნივთები უნდა იცვლებოდეს 24 საათში ერთხელ.
8. ოთახის დალაგება და თეთრეულის გამოცვლა უნდა ხორციელდებოდეს სასტუმროში არსებული სტანდარტის, კორონავირუსის პრევენციის მიზნით ჯანმრთელობის მსოფლიო ორგანიზაციისა და საქართველოს მთავრობის ყველა შესაბამისი მოთხოვნა/რეგულაცია/გაიდლაინის შესაბამისად, სველი და მშრალი წმენდით.
9. სასტუმროს უნდა გააჩნდეს კეთილმოწყობილი გარე სარეკრეაციო სივრცე/ეზო. ასევე, სპორტული ინფრასტრუქტურა და შიდა/დახურული საცურაო აუზი.
10. სასტუმროს პერიმეტრი 24 საათის მანძილზე უნდა კონტროლდებოდეს შესაბამისი დაცვის სისტემით. 24 საათის განმავლობაში ხელმისაწვდომი უნდა იყოს ადმინისტრაციის სამსახური (ადმინისტრატორი).
11. სასტუმროში განთავსებული უნდა იყოს სახანძრო უსაფრთხოების სისტემა, რომელიც უნდა შეესაბამებოდეს დადგენილ ნორმებს (ბრძანება - საქართველოში მოქმედი სახანძრო უსაფრთხოების წესების დამტკიცების შესახებ; ასევე ტექნიკური რეგლამენტი სახანძრო უსაფრთხოების წესების და პირობების შესახებ).

საკონფერენციო/სატრენინგო სივრცე:

12. აუცილებელია სასტუმროს ჰქონდეს საკონფერენციო/სატრენინგო სივრცე, სადაც შესაძლებელი იქნება ერთდროულად 25 ადამიანის განთავსება დისტანციის დაცვით, ჯანმრთელობის მსოფლიო ორგანიზაციისა და საქართველოს მთავრობის ყველა შესაბამისი მოთხოვნა/რეგულაცია/გაიდლაინის შესაბამისად.
13. სატრენინგო სივრცე უნდა იყოს იზოლირებული და დამოუკიდებელი სხვა ოთახებისგან, მათ შორის სამზარეულოსგან/კვების განკუთვნილი სივრცისგან (ფარდით ან სხვა საშუალებებით გამოყოფა არ მოიაზრება). სატრენინგო სივრცე უზრუნველყოფილი უნდა იყოს გათბობა/კონდიციონერების სისტემით და ცენტრალური ვენტილაციით, ასევე, სივრცე უნდა ნიაკდებოდეს არანაკლებ 2 ფანჯრით.
14. სივრცე აღჭურვილი უნდა იყოს ერთი ლეპტოპით, პროექტორით, პროექტორის ეკრანით, თეთრი დაფით და მარკერებით, მონაწილეთა შესაბამისი რაოდენობის სკამებით (არანაკლებ 25), სამუშაო მაგიდებით, მონაწილეებისათვის წყლით ხმის გამაძლიერებელი სისტემებით (დინამიკები, მიკროფონი) და ინტერნეტით.

კვებით უზრუნველყოფა:

15. სასტუმრომ უნდა უზრუნველყოს სტუმრებისთვის სამჯერადი კვებისა (საუზმე, სადილი და ვახშამი) და ერთჯერადი ყავა-ჩაის შესვენების უზრუნველყოფა სასტუმროში განთავსებისა და სამუშაო პროცესის მიმდინარეობის პერიოდში (ცხრილი 1). კვებისთვის განკუთვნილი საათები უნდა შეთანხმდეს შემსყიდველთან.
16. საუზმის, სადილისა და ვახშმის დროს შესაძლებელი უნდა იყოს ყველა სტუმრის ერთდროულად ერთ სივრცეში განთავსება (აღნიშნული გადანაწილება საზოგადოებრივი ჯანდაცვის რეკომენდაციასთან უნდა იყოს შესაბამისობაში).
17. კვების მიწოდება უნდა მოხდეს ცხელი ხაზის ან შვედური მაგიდის პრინციპით, შემსყიდველის მიერ შეთანხმებული მენიუს (ცხრილი 2) შესაბამისად. მენიუმში გათვალისწინებული უნდა იყოს ვეგეტარიანული და სამარხვო კერძები.

ცხრილი 1. კვება

თარიღები	ადამიანთა რაოდენობა	კვება
პირველი დღე	25	სადილი, ვახშამი
მეორე დღე	25	საუზმე, ყავა-ჩაის შესვენება, სადილი, ვახშამი
მესამე დღე	25	საუზმე

ცხრილი 2. მენიუ არაუმეტეს 25 ადამიანზე

თითოეულ კვებაზე გათვალისწინებული უნდა იყოს არანაკლებ 16 დასახელების კერძის სერვირება ყავა-ჩაის შესვენების გარდა, თითოეული პუნქტიდან 2 სახეობა მაინც.

№	საუზმე	სადილი	ვახშამი
1	ფაფა - ბრინჯი, მანი, შვრია, წიწიბურა	წვნიანი - ბოსტნეულის უხორცო, ხორციანი (ქათმის, საქონლის)	კატლეტი, ქაბაბი, ბიფსტროგანოვი, შემწვარი ქათმის ხორცი, შემწვარი საქონლის ხორცი, ჩაშუშული საქონლის ხორცი, ქათმის ოჯახური.
2	ღვეზელები – ფუნთუშეული	ხორციანი წვნიანი – სუპ.ხარჩო, გუფთა, ქათმის ბულიონი	გარნირი – კარტოფილის პიურე, შემწვარი კარტოფილი, ბრინჯი, წიწიბურა, მაკარონი
3	ბლინები ყველის, ხორცის	ხორციანი კერძები – ტოლმა, ჩაშუშული ხბოს ხორცი, ქათმის ჩახოხბილი, ქათმის ოჯახური, ღორის ხორცის ოჯახური	კიტრის და პომიდვრის სალათი, ბოსტნეულის ტორტი, კრაბის სალათი, სალათი – „ცეზარი“, სალათი – „ბერძნული“, ქათმის სალათი
4	ომლეტი, მოხარშული სოსისი, მოხარშული კვერცხი.	ბოსტნეულის კერძები – აჯაფსანდალი, ლობიო, ბოსტნეულის ტოლმა	ფხალეული - ბადრიჯნის, ქარხლის, ისპანახის
5	ძეხვის და ღორის ასორტი	შემწვარი კარტოფილი, ბრინჯი, წიწიბურა, მაკარონი	ხაჭაპური, აჩმა, ლობიანი, პიცა.
6	კიტრის და პომიდვრის სალათი.	კიტრის და პომიდვრის სალათი, კრაბის სალათი, სალათი – „ცეზარი“, სალათი – „ბერძნული“, ქათმის სალათი	კრემიანი და უკრემო ნამცხვრების ნაირსახეობა.
7	ნაღების კარაქი, შოკოლადის კარაქი, სამარხო კარაქი.	ფხალეული - ბადრიჯნის, ქარხლის, ისპანახის	ყველი – იმერული, სულგუნი, ქარხნული.
8	ყველი – იმერული, სულგუნი, გამოყვანილი სულგუნი, ქარხნული, მდნარი	საწებელი პომიდვრის, ტყემალი, კეჩუპი.	არაქანი, ხაჭო, იოგურტი.
9	არაქანი, ხაჭო, იოგურტი.	ხილის ასორტი.	ჩაი, ყავა – სხვადასხვა სახეობის, ცხელი შოკოლადი, რძე.
10	მუსლი, სიმინდის ფანტელები.	ნატურალური წვენები, კომპოტი	ნატურალური წვენები.
11	თაფლი, მურაბა, ჯემი.	ყავა სხვადასხვა სახეობის.	პური სხვადასხვა სახეობა
12	ჩაი, ყავა – სხვადასხვა სახეობის, კაკაო, ცხელი შოკოლადი, რძე, ნატურალური წვენები.	პური სხვადასხვა სახეობის.ტკბილეული - მაფინი, კექს	

13	ლიმონი, ხილის ასორტი.	ტკბილეული - მაფინი, კექსი	
14	პური სხვადასხვა სახეობა.		

ყავა-ჩაის შესვენების მენიუ:

- ჩაი
- ხსნადი ყავა
- შაქარი
- რძე
- ორცხობილა ან/და კექსი